

丹魁堂詩集

丹魁堂詩集卷二

江陰季芝昌仙九

古今體詩九十六首

癸未七月自都門南還舟中詠懷四首

天收積雨展秋晴折柳金臺別袂輕
畫頰添毫時易逼
志眉中日藝何成未堪慣客師婁護
頗愧頻年薦禰衡
回首輓紅塵十丈始知帆楫足閒情

丹詔前晨下鳳凰書名敢擬

御屏香三山風尚迷金闕一朵雲先捧

玉皇寒峻頭銜原耐冷
神仙心事不嫌狂
補官未遽嗟

遲滯喜得歸來壽北堂

一船兩槳便浮家身世知如路幾叉
煮簣本來難當竹

翦繒誰說竟成花酬恩欲化銜環雀
蠲忿先寬噪樹鴉

差有山妻解相慰親題錦字報秦嘉

婦病數月昨始得手書

尋春過夏孰追歡竿木逢場次第看
瑀璫心因提筆減
別離人到倚欄寒夢都作客真如燕身
不騎仙豈是鸞
祇仗順風能破浪放懷且樂水天寬

同人小集由里山房以余留鬚卽事聯句爲贈次

韻奉酬

羅敷憶別未鬚鬚玉鏡纔圓照影添
座上知交多阮眼

卷中詩句愧蘇髯

曩儕嶠外舅及王惕甫先生皆許拙詩爲近坡今南北犇馳業不加進可

慨也丈夫欲表新留樣前輩應無待染嫌爲謝聯珠惠佳

咏八公山下韻同拈

九日游由里山九蓮禪院

朝朝排闥送遙青眞面相看別有情選佛登臨九蓮界

老僧消受萬松聲天香積閣空懷古

寺舊有雲影歸山天香閣

喜放晴多感三舟學陶峴邀賓載酒證詩盟

蕭梧軒色侯

邵吟泉

涵初

繪事後素圖

琉璃無煙月無滓眞光森森徹肌理邵君抱此清迴心

往往觀人冷於水觀人日親世日疏不若世人我臧否

繪圖未就先乞詩取意命名皆足喜世閒寫照稱傳神
品題要貴還其真安排竹石綴花柳景物與人誰主賓
詩人摸索得詩料滿幅悉數如家珍蔡經背上奇癢處
麻姑鳥爪不一伸盛名之下類如此此病坐在圖先陳
君今揮手令白戰寸鐵不許持逡巡廬山面目幸熟睹
恂怳已若山中身君不見長康畫人睛不點四體妍媸
任渲染又不見韓幹精心寫趙郎性情姿笑殊毫芒畫
師金薄亦無數尺縑最好安吾素

客館餞花圖爲趙韞山

然題

年年作客無如花風信未到常辭家花開喜若遠歸日

花落又隔天之涯年年愛花莫如客一欄惆悵平章宅
綺窗花事亦鄉心異地尋芳彌可惜繁箏急管催不停
研光帽側山香聽一杯婪尾乍入手孤帳朦朧春夢醒
前時酹花漬茗蘇臨別殷勤爲花餞但憐淪落幸相逢
此意猶窺客懷淺世間茵溷皆宿緣金鈴孰繫幡誰懸
花能酩酊客能醉瓊筵玉翠非偶然我甫南轅返燕冀
撫圖重感開樽意詩成慚謝趙倚樓江上芙蓉莫遐棄

贈別程雪門孝廉

嘉杰

爲子滂屬分韻得力字

程君家國山聞名貫胸臆頻年客京華覲面未相識及
茲邂逅歡雲鴻各歸翼欸語挹襟抱熟視想顏色遇合

端有時此理悟通塞訪戴已造門忽鼓迴帆亟看竹不
問主主人揖其側並提子猷事失笑噴夕食江干方朔
風刁騷寒意逼蕭郎頃傳箋深宵催削墨謂言送別情
勿學維摩默猗嗟路旁柳冷看行蹤織嶺梅枝半南越
鳥心偏北雪門明春入都盤盤金鷺峯偃仰未爲得長安舉頭
遠其至由爾力登樓感王粲近亦事鞍勒內弟王種之
卽將北行
聚散固偶然居人倍悽惻他時踏輦紅春游共憑軾明
知舍熊掌猶復戀雞肋惟願同袍人殷勤寄消息我詩
贈程君兼拜蕭郎德低咏青燈青較勝黑甜黑

梧軒邑侯舊藏董文敏墨蹟小冊失之逾二十年

矣朱虹舫學士

方增

新購以贈儼然故物也屬

爲跋語志幸因得一律

何必蘭亭賺辨才楚弓旋得笑盈顙官能合浦還珠好
客似相如抱璧來顧褚藏真今宛覩冊中有記顧愷之
褚遂良真跡數則
蕭朱結契古原推使君筆勢知奇妙無怪思翁去復回

陳映白竹西賃廬圖

君家后山能詩不能書彭城已足千秋譽君家孟公能
書不能畫尺牘居然作佳話君今騰蹕超前人妙哉三
絕叢一身雕蟲小技亦兼擅餘力猶在漢與秦酒酣慷
慨論蹤跡援筆自寫飄蓬因西湖花柳等閒擲君杭十
州人

年占住揚州春無雙亭邊寄梁案知有德曜同安貧寒
梅委山恐消瘦東閣一入爭相親抱才頗識患多意求
者喜笑應者顰可憐夢捲珠簾候已是妝催寶鏡辰我
生願學吹簫侶紫鳳何時真得所因君動我賃春心脉
脉清宵共深語

十一月四日爲筱山徵君生日同人以酒中堪累
月身外卽浮雲十字分韻爲壽拈得外字全其
韻成六百一十字

庚年我三十歲月坐翫愒公偏寵我詩冊韻激清籟每
對沈硯圖

厚詩卽以題照

輒感仁言藹去年公六旬羣仙屢高

會我擬報公詩淺語盡湔汰夢筆不生花如船牽上瀨
古人頌禱詞眉壽無有害近人務揚詡華堂紛藻繪公
固不欲然我簡毋乃太今年梅柳春燕山陟嶒嶸秋期
賦歸歟吳舫擊濤汰羅浮又離合造物弄譎獮茲辰值
降生凌霄景松檜眾賓旣娉雅公子遠多忭我久從公
游知公我應最聰明冰雪姿翛然謝塵壒冷面與俗乖
熱腸足人賴少年抱奇尚志在溫飽外時時夢寐中神
聖接傾蓋俯仰姬周來瓣香焚醢醕指自題瓣香圖語大抵利
濟心要貴拯顛狽閒雲未出岫一雨鮮能沛徒使文章
名膏馥廣沾丐詩將儷韓孟書不數米蔡區區豈素願

寶者等璣貝世人競騷壇喧闐豎旗旛充飢餓畫地立
涸水盈漚瓠落無所容剖瓢動憎憎如公宜用世朝陽
其鳳翽惜哉老巖谷軒冕竟蟬蛻

皇帝初建元徵召逮林薈吏民交薦公克副

恩汪濊公獨矢難進不肯馳玉軼榮聲被井閭

錫命重輦帶平生實行孚得此庶薄酬公無儻石儲逸
興逐春靄狂攜鸚鵡杯豪斫鯨魚膾腐儒旁睨公嗤公
疏計會詎知入公家一一匪蒙昧晨饗畫米廩夜爨問
芻膾淵明種秫稻豈不念芑藜士行貯木屑意早慮霑
濡乃信達人達迥異市朝僧公於我良厚望我恐遲蛻

我如井底蛙敢或妄尊大羞稱鼃背行習聽鸞聲噉何
人驂赤虬雲中導飛旆欲往苦驚蹇瞠乎後無奈浮名
果何物拘繫若鉗鈇儻嗜劉邕痴莫脫祖可癩村牛入
城郭倉卒驚懸殿買櫝轉還珠振衣非挈襁在山出山
謀義爰筮商兌公頻我昕夕我心啟茅茷高歌震金石
環堵覺轟磕江鄉歲方歉貧居味粗糲家食苟能吉受
福勝祭禴悠悠謗與譽無譏同自鄆爲公前致辭亦藉
蘄保艾詩逋酬隔年又熟須彌柰一笑六百言身名視
全泰

鍾馗

鍾馗圖象劇煒煌鍾馗姓名難究詳椎爲終葵訓最古
圖之爲神毋乃荒六朝以來紀某某其姓堯李喬楊張
人同此名代各姓乃審厥象其誰當我思古人咳名始
往往避凶趨吉祥幾人棄疾幾鎮惡延年無忌不爲雷
同防爲名爲姓兩勿辨因訛沿訛鬼趣長伊祁鬱壘跳
且舞但見巾袍槐笏神奮揚按圖索解準義例有如善
惡分癉彰終南進士据逸史靈祇應夢開元皇當時詔
畫賜二府後代頒遣供奉梁世人佩此辟邪意雖近
戲行於鄉呼石虔來走瘡鬼召素娥出潛空堂從來百
邪畏一正人豪鬼雄理有常或云衣冠禦強暴攘臂擲

足難爲莊我謂神之爲靈無不可嬉笑怒詈皆文章或
云儒生養大勇弩目戟髯胡太強我謂妖精遁藏霹靂
連厲鬼殺賊惟忠良獸有辟邪草指佞此圖何幸來尙
方人閒虛耗豈有極要在正直中心將淋漓元氣書滿
紙百魅不敢伺我旁卮酒醺神神我饗請勿徒然啖鬼
充飢腸

送錢亦士大令

秉德

之官西川

直溯岷江路六千春船春水望如天

清時不論巴人檄離曲偏翻蜀國絃手易栽花惟令宰
心知飛舄亦神仙從今劔閣橫雲處看取題銘繼昔賢

頻歲車塵接玉京綺窗梅說故鄉情枕書早許窺中祕

君館禮

邨有年

歲錄曾親寫太平

君由錄館敘官分省

實此去蠶叢皆坦道他

時

鳳闕有循聲贈君詩比支機石可倩嚴遵爲品評

席上次子滂韻

一春苦多雨雨歇春已歸軒楹面麥隴穗長花落稀我
友別逾月魂夢心因依綠波送旋鵬白雲敞閒扉招邀
盡同志聚樂償睽違月圓有如鏡珠圓匪爲璣願裁合
歡被莫分九張機被當蓋裏周機或花樣非感君采蘭

隲詩什補廣微耽吟亮成癖急於療朝飢無那擘岸風
又復吹征衣

爲周梅生

銘鼎

題汪巢林墨梅次韻

无咎禹功不再得宋代墨梅如絕色雲林石田寫神韻
猶似羅浮縞衣夕巢林名與雪圃

休甯金勳

齊此調獨彈世

誰識橫枝著葉漏影疏故紙披香逗煙直周郎鑑畫若
顧曲仙子非真敢來卽幾生修到花爲身索笑不禁詩
亦癖卷中已有竟陵篇刻燭相催暮雲碧葫蘆借押豈
無意隔嶺春風共消息

子滂招集暨陽書院送李申耆大令歸里次韻

詩人不遣客長醒昨夜天文聚酒星儘許八仙從李白

座共九人

便窮一技戀秦青杯澆花蜨酬春麗

院中麗春
花盛開

薦江鱗帶浪腥隔院絮飛剛入座似甘同醉不爲萍

愁腸祇有酒能醫榘熟梅黃又一時新雨點波跳沫急

嬾雲遮岫出林遲懷人晝永彌憐別緩債書忙半爲詩

轉瞬碧筒杯到手再彈流水問鍾期

沈夢塘孝廉

學淵

席上分韻得時字卽題夢塘詩

集後

儘憑新雨爲催詩把臂翻憐識面遲愛客有人拌賭酒
逢仙容我靜觀棋氍毹自笑羊公鶴鼓吹如聽仲若鷗

欲倚金樽橫玉笛江城記取落梅時

揮毫頃刻百篇詩速藻枚生尙覺遲引袖能長工舞曲
拂巾旋中妙彈棊收香許看翔花鳳對影誰知隔葉鸝
集中有對影四首我料休文應撫掌試聽雌蜺讀來時

答夢塘見贈作

沈君贈我相逢行珠玉茲唾搖光晶寶山果然產奇寶
照乘十二連百城君才恣肆亦跌宕性復忼爽輸中誠
芙蓉渡頭花盈盈涉水欲采愁波輕蘭舟桂柁忽招手
曉露盡向衣裳傾相逢如此定不惡何乃杜宇催歸鳴
前宵對陣麾酒兵惟我摩壘能縱橫中山一醉足三載

願藉留客非囂爭今朝推窗望雲岫占雨未至偏放晴
我家瀕江君近海屏水共待靈潮生但歌相逢莫相別
枯槁到處船難撐東風祇恐周郎便一檣煙波無限情
君偕周泉南同歸

次韻答子滂

窗對青山遠市譁眾仙能此醉流霞潮痕退若避風鷁
雨意來先鬧水蛙十日光陰愁去客夢塘小五湖煙霧
住浹旬
悵浮家憑君欲說心中事甘苦同嘗願渚茶

梅生召飲病齒未赴翌日辱同人問疾戲謝

長鯨吸百川鼉鼠飽一勺分量固有殊善在白斟酌連

朝會銷暑擎杯貪不落青州宜到臍病乃入齷齪殷勤

折簡招蠅廬

移席於此

當蓮幕論交古公瑾醇醪宛酬酢醉

心既已深豈必饜糟粕嵇慳石髓緣曹壯屠門嚼俯仰

人閒世正坐煙火灼謂當牛馬呼敢受神仙詭

梅生來簡有不

足爲仙翁饌云云蓋以賤字相戲

今晨幾文殊視我維摩若學仙與學

佛茫然兩無著何時礪吾齒決肉笑脾臄袞袞從諸公
快踐麴生約

問蠅廬尙有餘酒欲借以飲梅生戲用前韻

考工制飲器首舉一升勺詩人漸豪放徑欲大斗酌休
誇玉東西亦小金鑿落酒戶不辭酒若齒不離齷齪頗聞

說紅友啟甕香透幙如何觥錄事嬾爲主人酢留春洵
有情浮米便曰粕分當對此君明朝仍大嚼甃毼送還
家斯理見之灼傾筐更倒庋豈復平平謔我雖囿渚涯
猶擬向海若回念前夜歡獨醒負釁著及時補良會愧
乏嘉穀據一假定不歸賦詩作劑約

題高麗國相洪澹園詩卷

三千七百島迴環世奉共球歲欵關啟宇文章九疇古
朝

天使相一樣閒經綃大費都成咏

自名其詩曰
衍山海經

夢遶金

剛只愛山

卷中多游
金剛山詩

況有象賢能濟美蟲魚注就不容

刪詩皆令
子爲注

爲申耆山長題照二首

弛于負擔圖

圖中置擔于地內列假面數種及兒戲諸物

先生經世才偶以宰官現七載鳳皇臺歌聲尙山縣棲
枳詎謂宜鳬飛那留戀翩然脫屣去辭彼折腰見神通
本遊戲圖畫劇笑燕刺眼傀儡場拍手小兒羨半副囊
陽具幾縷偃師綫忽莊亦忽諧或鼓復或戰身清局旁
坐日爛巖下電人生本逆旅累累比嬰纏語借敬仲羈
心圖子平便先生舊史氏三長夙兼擅搜羅十五代時方
編錄十五點勘一萬卷遺大方在斯仔肩諒無倦殷勤
代全文

索題句授以紫玉硯

承惠佳研

呵水滿一擔磨墨百千轉所

荷恐非任戴山儻頭旋見心想然明射覆附曼倩成如
釋重負語乃雜謔玩詰朝懷詩來當著武襄面

羅浮清夢圖用蘇詩韻

山長將之粵東先繪是圖至粵後未果游也

坡公昔賦羅浮村漠漠香返師雄魂幾番低徊縞袂影
千載髣髴煙林昏先生腰腳老猶健直視海嶠如家園
朱明洞口圖一醉夜月疑冷春疑溫如何萼綠嬾迎客
空使翠羽遲朝暾蓬萊未尋船泊處天風不啟花閒門
自離自合本幻相非夢亦夢夫何言詩成卷圖枕秋樹
引睡且倒玻璃樽

題子滂寫照圖兼贈張懷白

太白對影成三人畢竟明月難相親東坡鑑水散百相

祇此一身無別狀何如蕭郎圖寫照憑仗張君妙筆妙

忻慕原知御李

申耆山長

心端詳已得安劉

弦齋

要廬山一一

真面目山外山中總奇肖本來明鏡無遁形景物陰森
列旁眺我亦新成一畫圖張君爲寫嶺雲孤果然恒似
兼時似或者今吾勝故吾蕭郎蕭郎寶此卷老蒼結交
今僅見流傳直到三千年應共朱顏壽黃絹

子滂生日索詩

東坡昔爲卯君壽香像篆槃兼以詩弟兄文字契千古

詩句乃不先多儀我今壽君無一物執筆欲下心然疑
昨宵君來翦燈語聞我此意君轉怡君之愛詩入骨髓
好句偶得珍鼎彝如漢川守饑食竹如石室仙耽隱基
詠花時候作生日寒梅香透迎春枝不嫌冷淡共生活
那慮風雅乖時宜古來獻壽萬器用今者幾見能留遺
卽如長公與同叔祇有詩什供吟披我詩豈敢古人比
君顧樂此殊不疲明朝蕭相進賀客一紙也當千錢持
飲保艾堂和韻

聚散各有緣飲啄定之預夏蟲不識冰盍旦乃求曙所
遇果能安一得出千慮本非飽則颺詎爲飢而附人生

樂鄉土樽酒戀親故憐余留滯蹤博此听夕晤今春擬北行未
果假使挂輕帆翩然別心素春風送我行新漲亦相助
綺窗梅有神頗恐不情恕諸公念征人或損醉鄉趣離
台豈偶然封殖視嘉樹他日儻相思請誦今朝句

張友樵竹笑蘭言圖

笑因天屈文從竹言到同心臭似蘭香韻定教人服媚
畫圖能寫影檀欒儘餘相國松煙涇竹笑蘭言四字共
倚仙公橘井看張工岐黃想見高情寄空谷俗塵都埽碧琅

玕

許節母八袞徵詩

母歛人氏方歸同邑許翁生二子皆殤爲翁納
筵室王氏已而母生育熏育熏生未週而翁捐
館舍王無所出矢志從母以守是時母年三十
八王年二十五王守節越三十年應旌例母
以格於例不得請二母並享壽考乃樂爲賦之
同心之鳥棲一枝同功之蠶牽一絲集成繭熟自回首
昨者辛苦今歡怡許君有母壽八十閭德悉數吾具知
家承顯允積祚古門擅月旦來嬪宜雙雛先化靳似續
孤月獨耀愁常儀歌風遂賦小星什祝子冀咏振繩詩
沆泉旁出側生荔心與大造皆無私至誠感神忽奇應

仍使嘉耦還佳兒如何襁褓未周睟所天遽失悲煢嫠
閨中小婦幾年歲如季隗別重耳時靡他自矢願苦節
柏舟兩漿相繫維機聲軋軋倡復和霜氣凜凜淒不迷
國家旌典越卅載遙氏亦得膺殊施巍然綽楔母心喜
榮若身被無參差貞松後彫勁竹茂此理共見夫何疑
黃山高高四千仞丹崖藹藹紛下垂浮邱仙人轉丹處
祥雲如海靈秀披亮哉此母生此子陔蘭采擷春葳蕤
研經課罷眾孫列育熏有研經課子圖以娛萱景真含飴徵詩介
眉及下走引領瑞靄彌富資歛地水名字排二百報叔重持
脩堂上蒲萄卮

外姑莊恭人輓詩

十年棲託傍瑤臺咫尺移家一月纔半子晨昏曾未替
九秋風雨遽生哀傷心六袞添籌斲極目孤兒遠道回
我痛丈人峯下過慈雲瞻望也西殯

龜勉中閨婦職殫倡隨官閣亦清寒團圓祇覺裁紈易
辛苦誰知釀蜜難半世門楣渾盡瘁晚年弟妹幾同歡
如今九戚都幽咽始信賢聲定蓋棺

一卷楞嚴埽俗紛桑榆聊自慰斜曛瑤池位業眞王母
錦袋恩榮古郡君生是婆心應有託死爭佛骨竟何云
紗幘疑鑄宣文像日奉名香篤擣熏

湘藻餘閒喜頌椒清聲雙奏鳳凰簫漢書舊侍蘭臺續
唐韻淒看麝墨消幾等樂昌焚棗草敢令智水漏瓊瑤
擬校刊椒花室詩
與試蛟堂合集
酬恩自此疑無路手捧遺編淚雨飄
韋皋才地愧難幾連袂雖多意轉依碧鶴豈曾嘲太瘦
彩鸞那便許同歸口銜石闕悲無那心報瑤環事已非
愴絕年年寒食會黃山山麓紙錢飛

題子滂同舟圖

子滂庚辰甫識我索題大江秋艇圖江煙漠漠一葉小
意氣已若相招呼雲蘿幾年拓吟館傾襟倒屣無時無
世閒廣廈豈易得願駕萬斛凌五湖神仙豔說李與郭

汎汎二子母乃孤分舟載客若陶峴扣舷擊楫終難俱

遂緣舊圖發新意雜寫人涉兼叩須卯君子蒼俯欄檻

小阮黼東吹茗鑪徵君視丈炯炯明雙矚違菴道人劉

齋恬且愉懷白側面工自肖賡颺豐頤而鬢鬚船頭挈

伴坐相對春江媚嫵嫌廬穉臞子滂一心期共濟仰視

帆脚風桅扶何人倚舵相首尾鳳凰臺長李丈方跣跣

篷窗中間厠賤子猶手一卷甯非迂同舟如此致足樂

蛟螭避走鯨鱣驅居然五六數中合或者天遣同嬉娛

朝朝潮頭打鵝鼻自此入海真委輸蓬萊三山引船返

求仙訪藥胡爲乎頗聞黃河落天上江淮轉漕多艱虞

我觴巨觥塞京口腰笏欲挽愁易于豈如飽張十幅蒲
縱意所往無程途平生要破萬里浪豪邁那問千金壺
不然掩圖睨素壁到岸一笑皆盧胡

次韻和蘇夢巖牡丹

羣芳瑟縮羞鉛華國色第一推此花有花自賞自吟對
此樂一等于人加君從何處得絕豔猩紅不遣朱欄遮
姚黃歐碧等閒視乃出詩句相矜誇今年穀雨頗多雨
尋花已晚風信差吾家一叢本新植天香相代如及瓜
近賃宅中新種牡丹亦有花亦如酒人喜家釀不復流涎逢麴車因
君作詩發君粲各欲籠向花閒紗

六月二十四日申耆山長招同人賞荷

連朝快雨驅煩熱騎陽無威陣雲密自從佳節號觀蓮
菡萏生辰說今日蓉江講院西南隅舊時射圃荆榛蕪
青蓮仙人住三載生花筆暇增躑躅叔孫所館牆屋葺
王猷到處簣簣敷闢萊築垣濬池沼滿蒔碧藕期紅芙
荷花有神笑欲語孰主張是殷相須世閒往往自爲計
蛙鳴動覺官私殊平泉草木偶然爾典守乃爲孫子圖
公田秔稻驛舍柳誰肯培護成華腴今年不獲種花效
他人將哂移山愚天機火急織雲錦皎鏡彌望皆平鋪
始知卉物有深意激發要與精神俱池頭日日對花坐

藤架松棚陰帖妥百花朝後此花朝選客稱觴無不可
鄭家碧筒徒翕張清樾金卮嫌細瑣酒酣驀地秋風來
是日眼前香粉何有哉壽花兼壽賞花客憑仗畫手研
立秋松煤懷白生綃一幅足千載此會庶不虛尊疊再拜殷
勤向花祝文字之祥其可讀永曦爲白雞黑菽媚龜神
俗以是日祀龜豈若年年介花福

附錄和作

六月造冰那愁熱卅人促坐語轉密借問先生此
何日一方清池躍嫩隅新構松厂披蘅蕪朝夕獨
對心躊躕片石可埽筵可敷吾友濯濯如新芙好

花好友真相須試鬪邢尹誰尤殊尋蓮等藕夙所
圖卻訝仙骨何緣腴徇知感惠花之愚朝來滿鏡
紅雲鋪光與華渚流虹俱是日廿四開廣坐花如
迎人客如妥道是花辰花意可細果薄漿不嫌瑣
莫言轉眼西風來葉間魚戲方悠哉洗鐺敲火撥
竈煤甯倒玉山無恥疊多謝好花稱私祝多謝好
詩飽吟讀是詩是花吾眼福

盆荷盛開子滂白山陰來猶見兩花因贈長句次

韻答之

年年消受鏡雲紅隨我移家頻轉蓬好景半歸新句裏

名花原出舊根中，偶孤勝賞都因別。便說零香也不同，
留得雙葩宛相待。君來猶趁未西風。

送子滂北行

人生非歷蚤，那得長相隨。人情非鹿豕，離別那不悲。
尋常送人握雙手，臨別殷勤亦良有。不知今朝是何意，
聞君欲行如中酒。梁溪七十里，蘭陵百里程。一日一夜姑
蘇城，袁浦七百波盈盈。今年君所往來處，我心每逐風
帆輕。長安雪花大於掌，要踏輦紅塵。十丈平時勸君行，
期君掉征鞅。近別猶依依，遠別彌鬱悒。快君家老父飛仙
鳬，長途賴君時起居。君淹驥足五六載，及此乃得騰康

衢蘭衰菊秀剛九月手摘黃花贈君別算君入都時芙蓉寒可折盼君歸來時江梅香已烈君方歸來我旋去芳草天涯記前處直應此後別離多兩地相思將若何張君送行畫我題送行詩願君一日一吟展如在雲蘿同夢時

祝賡鵬焚香省過圖

祝君魁偉士才大副腰腹辱交今十年行誼在吾目頗聞頌德聲曾不聞戚族鄉里稱善人茲事少游足君胡意抑抑示我三尺幅謂是內省心時用畫圖觸結踣匪逃禪焚香期卻俗願我規一言以志友忠告我本叢悔

尤聆此益縮慙伏念九疇義好德錫之福又聞六行中
任恤繼嫺睦存心苟利物一介佐鈞軸君誠猷且爲豈
特富方穀可久而可大要在懷幽獨過也各於黨知仁
定君屬賢關詎悠遠招手見伯玉我若爲使人能言夫
子欲

丙戌北上舟中次和筱山徵君贈別原韻卻寄

臨別殷勤感贈言春雲無那隔南天每欣庾亮能乘興
絕憶平原共啟筵兩字功名催我去三生緣分得公憐
同舟幸有神仙侶

同行者夏丈穉蘂式庭
蕭君子滂丁君誦孫

便擬當時李

郭賢

勞生去住不多言。社燕泥鴻總任天。夢裏思家猶望字。

春來惜別。幾當筵大羅記曲。慙相引。遺挂摧心。暗自憐。

余時悼亡

祇願西堂好兄弟。謂秀峯又唱酬新句。繼前賢。

毘陵訪蔣堇初上舍

相訪偏驚客。寢安挑燈攜手話。更闌人隨梅柳迎春早。

交似松篁結歲寒。同是離鸞悲奉倩。

君亦有鼓盆之戚

可堪碧

鶴老裴寬感君醉。我蘭陵酒眼底花多不忍看。

游平山堂次子滂韻

檀板聲中泛玉卮。成連流水我情移。居然賓客三舟集。
好是春風十里時。絲竹東山誰定分。煙花南國總離思。

勝游振觸吹簫夢百遍狂吟杜牧詩

正月三十日旅次順河集子滂置酒壽式庭表丈

生辰次表丈韻

暫依旅館做賓筵頗列山珍與水鮮商嶺黃公原壽相
蕭齋紅友又詩緣算符大衍靈蓍用人是春塘夢草便
謂疏也當霓裳天上詠一時同和有羣仙

花未含顰柳未絲順河河水故依然寒禁第二程邊雪
醉餞春正月裏天一曲旗亭爭畫壁百壺醺醖那論錢
忘形久已無賓主祇是殷勤讓此賢

宿遷遇雪次式丈韻

衝泥不是客車單如訪山陰興未闌
倦馬略知人瑟縮飛鴻能印字平安
聚星禁體應艱和騎月春羹儘釀寒
怪底天公開玉戲粉資堆院佐征餐

有感疊前韻

鷺鷥雙宿野鳬單色相看來酒半闌
弱絮因風憐夢杳客衾如水忍吟安
星星園冊經三上戀戀綈袍護一寒
痛憶北臺聯咏日又魚煩爾理晨餐

壬申二月白鉅鹿旋里途中遇雪與

亡婦頗有廣和

滕縣道中復雪再疊前韻

驢背何須顧影單者番吟思未應闌
銷魂金帳人原俗

容剝瓊車夢豈安幾肯停絃孤郢唱不堪呵硯寫郊寒
上宮當日知何處斗麪盈盈已授餐

烹茗匆匆又食單羊羔酒煖暮鐘闌玉樓凍不禁坡老
藜榻人如臥幼安

補蕲方
濃睡

誰向霧豬勤致禱難披氎鶴

去衝寒座中談屑罪罪甚祇我疏慵愧素餐

誦孫以遇雪唱和不已有詩勸阻戲反其意答之

仍疊韻

鶴鵝飛入敵軍單白戰全忘晝漏闌一笑泥中差共慰
縱觀壁上豈能安尋梅好畫重重影鬧杏須消九九寒
憑仗諸君還努力明朝團雪飽吟餐

附誦孫作

詩軍無異門三單擊鉢催成短燭關禁體例嚴思
欲澀撚髭吟苦字難安解紛敢說聰明淨角勝防
啞骨相寒我愧撒鹽無好句偏將淡味阻同餐

和誦孫雪霽作並示子滂六疊韻

花枝影複月痕單入夜紛霏薄曉闌山色迎人宛頭白
天工如佛與心安孤舟釣笠前宵晝疑雨晴檐牕點寒
底事陶公儲木屑多君滑澁去呼餐

附誦孫作

輕風吹埽片雲單檐滴聲消雪已闌徑白略餘人

跡滑沙黃平襯馬蹄安商量捉筆搜春思催促披
衣耐曉寒好把閒情付流水桑乾前路飽魚餐

七疊韻酬誦孫

井謎猜來數不單清泉飛出那曾關詩逾玉局尖叉富
韻敵香山瘕絮安退舍正要憑軾戰入宮爭賦衍波寒
知君嚼雪饒牙齒餘慧猶能鬪一餐

劉伶墓

一抔疑與綠蕪平典午風流尙指名頌酒文章傳僅在
清談時世醒何營入林大抵齊賢達荷鍤由來澈死生
若使婦人同穴葬可儲五斗解君醒

孟廟天震井

尼山孔水樂陋巷顏瓢崇傳聞二氏蹟井養而不窮井旁
碑云孔氏井在尼巖巖子與子脈脈心源同廟鄒無一
山顏氏井在陋巷
勺配禹甯殊功云何帝出震平地聲豐隆有爲若掘井
斯語如感通今人乍見意垂象示擴充盈科放四海千
載神天工我來拜井眉蘚碣讀未終彌慚汲綆短對此
心忡忡

在平旅舍爲歌者十齡女子作

醉擁黃紬夢乍醒記開缸面酒盈盈銀箏彈指清如許
舞袖圍腰瘦不成一口猜詳題合謎十年商略字人情

幾能富貴花間住祕錄殷殷譜小名

琵琶遮面儘成行憐煞雛鴉柳際藏禁酒泥人耽卯飲
護花憑爾結丁香扶牀姑小誰重問春夢婆催又一場
明日高唐城下過可堪雲雨賦都荒

途次德州知子滂尊甫梧軒大令注選東湖子滂

將侍楚行兼卽之官甘肅輒賦四章以當贈別
不分闌珊閣酒卮聯牀夢裏漫離思地當六一移官處
路想三千上水時散雪搏沙緣或定大江秋艇畫先知
如何載得同舟去換盡圖中話別詩君舊有大江秋艇
圖去歲又繪同舟
圖及話別圖
皆列余其間

仙鳬江上十年棲回首雲蘿印雪泥父老競思能借寇
賓朋多願共攀嵇鳳池奪我情同悵牛渚需君墨徧題
那更旗亭唱楊柳一聲羌笛早淒迷

久約聯鑣走趙燕月輪疑缺又重圓愛隨羊叔忘行路
欲似龍門慕執鞭本事詩篇歸袖裏幾人風雪共樽前
者回添得相思味綠水黃塵一月天

征衫欲脫慰飛蓬此日心情轉不同未忍著鞭忙祖逖
爲愁賦別黯文通紅蠶絲好春須惜綠蟻杯寬酒可中
預擬天涯勤問訊南樓明月玉關風

河間道中花朝感作

客程空說豔陽賒等是花朝不見花貪覓返魂歡一晌
錯防迷路避三叉未宜錦瑟聲聲促恐繫金鈴處處差
如此數錢工姹女料應無計買春華

年時花底門纖腰撲蝶猶憐扇影嬌一曲山香渾昨夢
二分春色奈今朝匆匆漫對河閒策緩緩愁聽陌上簫
縱使長安看盡徧歸來應不馬蹄驕

下第南歸途中雜詠

手把將離出

帝城豐臺花事尙闌情怕吟紅杏枝頭句厭數黃梅雨
裏程山草自慙非遠志藥囊如餉不留行夷吾三戰今

三北知我何人是鮑生

少游欵段故安便墮水偏同跼跼鶯半子竟分成敗局

雙丁差結去來緣

入都時與誦孫同車
茲復與敬孫偕歸

梯雲我欲三千

丈鍊汞誰真四十年知否元都桃樹下生成不著武陵

仙

督繩削墨果何堪平遠山空紫邏含鳧脰能長都截鶴
龍精遲熟尙眠蠶舉頭王十窺難近低首方三拜未甘
祇把背時妝苦學畫眉爭得淺深諳

焦尾琴原入爨材撫絃何況斷紋催栖鸞影隻飛應倦
失馬時多福亦猜色色盡空除是佛年年被放敢言才

最憐郎面羞依舊更莫尊前慰藉來

涇碾雙輪轍影深隨車甘雨問何心頻年柳汁壓彈指
昨夜梅黥儘上襟直恐勞薪長道路易教刻楮損光陰
清時共忍孤寒淚卻笑天公轉不禁

綠艾拈來插髻香順河風景說端陽定知江國鳧嬉水
盆覺桓山鳥戀鄉舊社幾回移燕壘高堂一度隔蒲觴
錦標未奪歸無恙冷看人家競渡忙

禱雨行次朱蔗根

甘澍

韻爲邑侯王湘浦同年

溧

作

閒居百無事晴雨繫心腑青青涉秧隴粒粒卜禾筮炎

炎九夏來癡龍眠水府良苗冀膏澤若子望慈姥下民
欲回天馳河類商距顛顛視稻孫嗟咨聚畝父忽然三
日霖徂矣六月暑雲隨屏翳行風佐飛廉衙閭闔走相
慶賢侯在吾土畏壘歲大穰昔有庚桑楚儻非精心孚
安得笑頤朵我思官於民相依若柱礎神農求雨書後
世咸所祖甲乙迄庚辛往往禱不雨我侯仁且明故事
莫肯舉郊無壇壝崇邑謝巫覡舞齋室望疑神飛章奏
如羽未遣石鞭陰何煩鐘設虞市闕免斷屠官庖嚴有
芹肫然至誠感非爲循聲賈慊從猶未知曾不告僚侶
終能慰祈甘歡歌騰士女江皋百萬晦我農其敢惰同

聲願賢侯多此歷年所賢侯問爲誰王君字湘浦去冬
甫下車煥休矜疾苦懷清鑑壺冰止暴息亭鼓馭吏法
與恩決獄朝至午公堂鞭用蒲民隱區分芋俸增講院
田金拓明神宇義塾理舊規公儲謀實貯重念河渠堙
江沙日紮黍便思利舟航更賴灌杭稌凡茲舉百廢不
愧吾縣主披尋良吏傳今豈不如古人間宰官身天與
斯民撫宜當子愛宏詎謂風塵墮岱雲始膚寸一雨崇
朝頗太空固冥冥監觀爛于火豈有誠格天而不實生
我或慨百里才束縛五斗糈大吏督責勤事權不輕予
我云在親民大學信斯語正直能感通昌黎庶爲伍侯

其擴慈惠所至福稚魯已飢復已溺遠謨希稷禹和歌
揚仁風以附山陰譜

花朝詠齋中四花

解慰豐之寂寞情居然一笑足傾城新妝已作低顏態
眞賞偏傳貼骨名春色許從楊子借乞諸晉蕃南枝誰當杏
花評莫因嫵媚忘疏傲記取冰心宋廣平紅梅

疑是藍田玉有煙綠英百朵獻青蓮擁苔人嬾移香遠
去年寄盆夏氏倚竹春寒索笑妍籠到碧紗新句律醒來翠羽
舊因緣量珠未被東風誤金谷園林紙帳天綠梅

芳情珍重託微波喜見駙枝市擔過甕斗自澆花一尺

銀臺那貯酒雙螺春華半爲求仙老韻事頻憐隔水多

觸我懷人湘渚路

謂子滂

前年塵襪共長哦

水仙

排根不遣曉風侵
斐几幽芳愛護深
坐使百花憎豔骨

雅宜五椀沃清心

筱山丈性愛蘭嘗謂對之祇可茗飲

國香服媚甯諧俗

空谷淒涼孰賞音
欲賦招魂依楚些
菲菲相襲爲霑襟

蘭

王蓉帆年丈歸田後以行看子屬題

乍賦柴桑歸去來
石田茅屋未荒苔
抽身便似高閒鶴
相背應添大老鮐
畫裏松筠共名節
春餘櫻筍幾追陪
回頭十七年時雨
多少江干手植材

苜蓿齋前帶草墀庚年最傍後車時每思老宿忘尊行
深恐文章負舊知庚辰歲肄業書院承與紅樹染秋因
憶別青鞵歸隱聽催詩鳳雛未隔丹山路令子虛舟慰
我頻傳洛社姿時來江上慰

申耆山長招同人賞荷

觴荷例有會會者例有詩會如牛女星年年赴良期詩
如淮陰兵多多以爲奇芳塘可一畝曉豔千萬枝以酒
酌花朵花醉頰其肌以詩寫花貌花笑解其頤蒔花三
年來主人樂不疲前年甫營構松棚水之湄去年結夏
屋三閒面清池今年輦巨石兩月勤贅治尋花路詰屈

摘葉階參差坐感拂拭意彌獻雲錦姿風晨見庾謝月

夕羅旦施主人念花福謂此豈自怡折簡召鶴伴排日

擎螺卮我附北海客頻來接履綦及時伸古懽懷舊增

長思公子隔湘漢疇曩同酣嬉子蟾廬在尺咫室邇人

天涯疏飄飄幾萍葉合并知何時徵君跨鸞去牙琴有

餘悲筱山喬公更奄忽寒暑瞬兩暮雲客逝者不可作

母甯怨生離僂指向花前閱人已如斯幸賴賢主人大

雅輪扶持抽簪旣云早息陰良所宜人閒襍穢子觸熱

方炎曦清涼一服散塵俗當可醫我今滯江鄉北雁行

相隨明年此花日酒店誰家旗金鼃與玉螭幾度輪蹄

馳紅妝隱煙霧若被籠紗欺風沙遽如障轉眼無由窺
何如坐軒檻靜對清漣漪含妍品初旭弄態交輕颺信
知且住佳安敢微吟辭傳聞花四壁題徧黃絹詞主人
落咳唾紛紛珠玉垂金谷列三爵依罰應悔遲我有賀
錢萬給公博一鵝

莊卿縑丈

綬甲

雲海浣衣圖

泰山之雲挾膏澤出山便有爲霖責黃山之雲稱神奇
此中大與游仙宜人生齷齪不稱意合御天風委塵轡
卅二峯環曹阮谿雲海何年肇名字若雲非雲海非海
孰挾鴻濛訴真宰徒觀石柱丹崖閒菡萏芙蓉都變改

莊周曩共雲將游扶搖東過資探幽振衣欲上四千仞
左顧招手來浮邱神山湧現不可狀卻笑世上談瀛洲
酒襟詩裏尙嫌黠如此濯澣誰能儔嗟哉浮雲倏蒼白
素衣化緇良可惜何如詆蕩天門中俯視人寰飛輭紅
申耆山長齋中賞木芙蓉

拒霜名字最無端晚豔惟宜薄醉歡略染粉脂如靜女
漫憑紅紫號文官江頭敢抱東風怨木末誰褰曉露寒
獨有傾陽心欲訴教人須立水南看

幾曾搖落徧園林暢好秋江主誼深耐作花身邀冷眼
比來人面誤初心水蓮開後爭名少籬菊芳時有伴尋

力鬼生言集卷二
便倩固言譚舊鏡紅妝留取到如今

酬菊行示曹峻堂

重陽已展秋可娛
嬾吟未怕人催租
尋花幾欲訪黃菊
卻憶隔歲留詩逋
去年霜英正舒采
殷勤蓋罽歡吾徒
愛詩每擊竟陵鉢
竊吹敢濫齊廷竽
是時聘君筱山丈苦

攀疏晨夕問視心
煩紆座無車公致
不樂術尠盧氏知
難蘇同遊何限老
蒼感搜句祇遣肝
腸枯諸公佳篇旣
傑出往往豪竹哀
絲俱遷延之役我
良愧脫扃拔旆思
緩圖花前自許及
瓜日螯弧願効先
登呼主人聽我對
花語謂息壤在當
不誣馮煖收債未
燒券坡公調水將

合符昨者西齋共酣讌

飲于孫廣文

乘興擬向東籬趨片雲

頭上作秋雨冷坐詫失幽閒
殊天公此意亦不惡容我
歸詠爲前驅我聞今年種花處
強半難得金精敷花肥
葉瘦孰侍從公子珠玉僕敗
襦花菱葉媚孰主宰夫人
螭僂婢妙矚徒然駢几儷
屏案彼其不稱堪盧胡君家
嘉種數百本培護夙與他人殊
故應歉歲獲豐稔益使
廣座驚華腴茲花況具四時氣
半年心目勤守株春分
夏摘可詳候淫潦烈日須相扶
念從破蕾及衰謝晚香
雨月供怡愉薜榮槿落一朝夕
花神何必煩園奴要知
功力有施報漢陰抱甕夫豈愚
看花飲酒最奇福主人

自勞宜百觚如何飲量限蕉葉但爲詩癖招文無以詩
易酒計差勝前盟口血何敢渝見花大笑償宿負季布
一諾其庶乎

書院甘蕉頻年作花申耆山長屬賦

踰淮異橘枳隔江辨藻萍遷地勿爲良斯語耳熟聆甘
蕉記本草閩粵花芬馨吳中見殊罕但卓風旗青綠天
雖肄書夢筆多不靈修竹或彈劾花神謝調停芳心一
緘札何能啟重局吾鄉木間僻翠鳳時揚翎先生絳帷
外繁卉蔭滿庭爲愛扇子仙遣作門之屏春梅夏茁苞
疊豔眞娉婷月桂霜芙蓉競芳若娥姪凡茲數年植每

見新發硯芭苴獨何意徘徊倚疏櫺空空說可愧負負
呼誰聽勃然吐苞穎倒拆蓮房形日舒一瓣香有似算
葉莫垂疑挂椽筆護不煩金鈴先生莞爾笑相對傾仙
醪澹綠幾人共韻事頻歲經急索夏侯畫謂伯田毫端寫
瓏玲並謂咏花句開山難五丁蘇黃賦蠟梅厥後知式
型鰕生敢學步狂言慨伶俜炎歆障烈日策勲無寸莛
清涼夏秋雨賞歎誰寒廳蘼葩以取媚若醉何時醒先
生具慧眼閱人區尹邢正復闕香國豈肯拘畦町此花
積甘露飴蜜侵晨零願當日日飲因之頌延齡

題峻堂小影

曹君隱君子家藝千本菊乃於寫照間不菊而以竹菊
爲籬落英竹是雲霄族王猷自位置宜與此君卜虛心
足我師雅抱醫人俗汲江付瓶笙煮茗待其熟七椀誰
所同左右佳士簇平生愛林棲井少一分屋天寒翠袖
單何時遂初服相期十年後種樹君山麓定招與可來
更繪篔簹谷

校筱山丈愛日草堂詩集竟感賦四律

膏馥依然紙上盈香山詩卷自編成錦囊屢見翻新樣
鐘律何曾變正聲海日滄涼遺世概春風宛轉感人情
而今矯鶴還縑嶺縹緲猶聞子晉笙

千金底事學屠龍自昔騷人感遇同杜老尙教嘲瘦苦
都官應亦悔窮工修辭便入辛螯謎奏賦誰收子墨功
可惜蒲輪徵乍逮又因衰病謝旌弓

曾呼小友辱忘年師厚津梁在眼前箇字推敲心託月
深杯酬酢夢飛煙天隨集半松陵和嚴武詩參蜀道編
屈指幾人知己感悲吟那不淚如泉

多少交游氣誼敦草堂芳譜聚荃蓀世間迹象皆矜掛
身後文章勝虎賁愴憶素車攀路紉醉扶短策叩州門
彥先恐復琴聲賞欲絕哀絃未敢論

丁亥嘉平將移家北行留別五首

頓遣江皋轉舳舻

已定海漕旋改河運

安家私喜奉潘輿本來陸

處曾無屋若說裝輕尚有書雞肋微名催我甚豬肝生

計累人初祇因一事思量熟未忍溫郎竟絕裾

南歸家室瞬三遷賃廡措持賴嬾賢琴奏離鸞悲未竟

巢營孤燕見應憐蠶鹽已誤光陰半玳瑁誰襄報贈全

賸有壁間遺挂在空箱收拾倍淒然

車腳勞薪實命同東華那避輓塵紅明知作客如桃梗

翻恐留人戀桂叢米索長安拌白傳墓辭汙上感龐公

登程無限離鄉思第一難忘宰樹崇

親朋吉語漫相投豔指元龍百尺樓聽曲錯將金縷惜

賂基輪卻玉塵羞虎頭敢道才堪將猿臂應甘相不候
絕笑仙山容易到天風猶自隔瀛洲

明歲上講崇明瀛洲書院以北行不

果赴

握手先愁判襖辰橋題折柳別情真鮑生祇覺能知我
羊叔多慚說過人江上楓林工送遠岸頭梅葉早迎春
買山儻許酬初願日與羣公醉幾巡